

փոքր տեղին Հայոց . թէպէտ գտան անդ ոմանք և 'ի Հայոց , և նորա բարեօք զննեալ 'ի նկատի էառ զամենայն տեղիս եկեղեցւոյն :

Եւ յաւուր տոնի վարագայ Սաչի ('ի 28 Սեպտեմբերի) զինի պատարագին Հայոց չօքաւ 'ի Ս. Յարութիւն , և շրջեալ ետես զամենայն զտեղիս և տեղեկացեալ գիտաց թէ ո՛ր տեղի որ ազգի սեփհական իցէ : Թէպէտ ոմանք 'ի հակառակորդ այլազգեաց ազգ արարին նմա և թախանձանօք խնդրեցին իսկ փակել զդռուն Համբարձման և դնել զբանային 'ի դատարան , այլ նա ոչ կամեցաւ . զայս բարիս միայն վայելեցին Հայք : Եւ վասն այլ տեղեաց , յորոց վերայ վիճէին քրիստոնեայք , որպէս ծանուցին նմա ոմանք յայլազգեաց , բնաւ առարկայ ոչ երաց : Հայք նախ քան զվճիւր նորին վասն Համբարձման , ցուցեալ էին նմա տեղեկագիր ինչ , որոց ասացեալ էր գրել գիր աղաչանաց առ ինքն և այնու խնդրել զգրեալսն . բայց Հայք ուշաբերեալ ոչ ինչ խնդրեցին 'ի նմանէ . մի դուցէ հանգիցէ խնդիրն 'ի կնճիւն անլուծանելի . թէպէտ յետ վճուոյն մնաց ինքն 'ի քաղաքին աւուրս 18 , և ապա մեկնեցաւ 'ի Պերութ ('ի 26 Սեպտեմբերի) : Ի վերջոյ իմացան Հայք թէ այրն գրեաց յիլամին կործանել զչինուածսն Համբարձման , յորոյ վերայ վշտացեալ սքային անմխիթար , զի յում պէտս վատնեցան այնքան քսակք դրամոց , և ինքեանք ակն ունէին կրել զամօթ առաջի աշխարհի :

Եւ եղև 'ի ժամանել իլամին 'ի կոստանդինուպօլիս , զոր գրեաց Շաթր Զատէ , տուաւ հրովարտակ յԱրքայէ ցլատինս , զի կործանեցին շինուածք Համբարձման տեղւոյն՝ ձանձրացեալ 'ի թախանձանաց Դեսպանին Գաղղիոյ և Ֆրանչիսկեան կրօնաւորաց , որոց ոչ սակաւ սատար եղեն նաև Յոյնք : Փութով եհաս հրովարտակն յերուսաղէմ , ժողովեցան գլխաւորք այլազգեաց առ Քաղաքապետն Տիզտար Ահմէտ աղա , ուր էր եւ Դատաւորն , եկին անդ բազմութեամբ Լատինք և Յոյնք . և յետ ընթեռնւոյ ըզհրովարտակն , սահմանեցին զի անվթար կատարեսցի հրաման Արքային . ապա ելեալ անտի խուռն բազմութեամբ Լատինք և Յոյնք , եկեղեցականք , քրիստոնեայ ժողովուրդք և զիւղական Ֆլլահք գսրծի քանդման 'ի ձեռին դիմեցին